

## **Konkurs za EPALE ambasadore u Bosni i Hercegovini**

Obavještavamo Vas da EPALE Državna služba za podršku (NSS)-Agencija za predškolsko, osnovno i srednje obrazovanje raspisuje konkurs za šest EPALE ambasadora u cilju promocije i bolje vidljivosti projekta.

NSS bira ambasadora na period od zaključenja ugovora do 31. 12. 2026. godine, odnosno do kraja tekućeg ciklusa projekta.

EPALE ambasador treba biti iskusan korisnik EPALE portala, koji je zainteresiran za sudjelovanje u promociji EPALE elektronske platforme i EPALE aktivnosti u području svoje škole, zajednice i regije.

### **1. Zadaci EPALE ambasadora su da:**

- na godišnjem nivou registrira ukupno 30 novih korisnika na platformu EPALE u BiH;
- na mjesečnom nivou napiše blog na jednu od zadanih aktuelnih tema;
- na mjesečnom nivou objavi na platformi minimum 4 sadržaja (vijesti, najava događaja, resurs, blog);
- dostavlja NSS EPALE polugodišnje izvještaje o izvršenim poslovima
- pružanje pomoći NSS-u prilikom organiziranja događaja u BiH u pogledu promocije EPALE zajednice i pojašnjavanja temelja ili detalja za rad elektronske platforme
- doprinosi u razmjeni primjera dobrih praksi s kolegama u BiH i u drugim zemljama
- sudjeluje u sastancima za ambasadore sa NSS timom dva puta godišnje
- sudjeluje na sastancima, konferencijama i seminarima s ostalim EPALE ambasadorima u zemlji ili inozemstvu na koje ih uputi/pozove NSS
- pružanje drugih informacija u pogledu implementacije EPALE-a u BiH i druga vrsta pomoći NSS-u
- organizira i održi minimalno 3 radionice na godišnjem nivou na kojima će promovirati EPALE platformu i registrirati nove korisnike

Tijekom planiranja i provođenja navedenih aktivnosti nužno je da ambasadori usko sarađuju s NSS-om i od kojeg dobiju suglasnost za svoje aktivnosti, posebno u slučajevima kada one podrazumijevaju i potrebu za finansijskom podrškom. NSS će snositi putne troškove za sve događaje na koje uputi ambasadore.

### **2. Uslovi za prijavu**

Zainteresovani kandidati trebaju ispunjavati sljedeće uslove:

- da su državljani Bosne i Hercegovine
- da su zaposleni u školskoj ustanovi ili instituciji koja se bavi obrazovanjem odraslih u BiH
- da su prethodno registrovani na EPALE platformi
- da dobro govore engleski jezik (radi kvalitetnije međunarodne saradnje)
- da koriste IKT alate neophodne za rad na EPALE platformi (alati za komunikaciju, pretraživanje, razmjenu materijala i oglašavanje)
- da imaju razvijene organizacijske, komunikacijske i prezentacijske vještine.

### **3. Izbor kandidata**

Kandidati koji su ušli u užu izbor će biti obaviješteni putem e-maila.

Konačna odluka o odabiru EPALE ambasadora iz BiH će biti donesena na temelju cjelokupne prijave kandidata i provedenog intervjua od strane tročlane komisije iz sastava NSS tima EPALE BiH. Prilikom izbora EPALE ambasadora u obzir će se uzimati geografska zastupljenost predstavnika iz različitih dijelova BiH i tipovi institucija u kojima rade.

EPALE ambasadori su obavezni da tokom obavljanja dužnosti ambasadora budu aktivni i da o svojim aktivnostima obavještavaju NSS. Ukoliko ambasador u periodu djelovanja u toj ulozi nije aktivan u razdoblju dužem od dva mjeseca, izuzev razdoblja srpanj-kolovoz i prosinac-siječanj, NSS zadržava pravo da ambasadora razriješi dužnosti.

Napomena: Naglašavamo da se aktivnosti EPALE ambasadora često preklapaju s radnim vremenom.

#### **4. Kako se prijaviti?**

Poziv za konkurs za EPALE ambasadore će biti otvoren 10 radnih dana od dana objave konkursa na EPALE platformi i mrežnoj stranici Agencije.

Dokumentaciju kojom se potvrđuju traženi uvjeti iz točke 2. Poziva, motivacijsko pismo kao i biografiju dostaviti na e-mail adresu [slavko.karan@aposo.gov.ba](mailto:slavko.karan@aposo.gov.ba).

Sve dodatne informacije možete dobiti putem telefona na broj 051/430-710 ili putem elektronske pošte [slavko.karan@aposo.gov.ba](mailto:slavko.karan@aposo.gov.ba).